

URTEURRENA. Familiak eta lagunek antolatu dute ekitaldia, eta UPNk bat egin du haiekin

Omenaldia egingen diote Leitzan Jose Javier Mujikari

Duela urtebete hil zuen ETAk UPNko zinegotzia

Hur Gorostiaga | BAIONA

Jose Javier Mujikari, ETAk due-la urtebete hildako Leitzako UPNko zinegotziari, omenaldia egingo diote gaur senideek, lagunek eta UPNko kideek. Mujikaren omenez, hainbat ekitaldi antolatu dituzte Leitzan, eta haietan parte hartuko dute zinegotziaren alargunak eta seme-alabek, Nafarroako Gobernuko presidente Miguel Sanzek eta UPNko beste hainbat agintarik.

Goizeko 11:00etan, meza egingen dute Leitzako parrokan. Meza amaituta, Udaletxeko plazara joanen da jendea, eta, han, *Leitza eta Nafarroa askatasunaren alde* lelopean antolaturiko manifestazio isilari emanen diote hasiera. Elkarretaratzea Mujikaren kontrako atentatua izan zen lekuan amaituko da, haren etxebizitzaren ondoan, alegia.

Manifestazioa amaituta hasiko da Jose Javier Mujikaren omenezko ekitaldi publikoa. Batetik, harrizko plaka bat inauguratuko dute. Plaka horretan, ondoko leloa idatzi dute: *Bere ideiak defendatzeagatik erail zuten: askatasuna, justizia eta bakea*. Bestetik, Sanzek hartuko du hitza gaurko ekitaldian, alderdiko kide zena gogoratzeko.

«Terrorismoa salatzen ez dutenak bakartzeko» deia

Mujikaren erailketaren urteurrenean, «hark defendatutako ideien alde lanean jarraitzeko» asmoa agertu du UPNk, ohar baten bidez. Ildo horretan, «ETAren terrorismoa salatzen ez dutenak politikoki bakartzeko» deia egin die alderdi erre-gionalistak talde politiko, sindikatu, komunikabide eta giza kolektiboek.

ANDOAIN



JAVIER ECHEZARRETA / EFE

Andoaingo PSE-EEko bi kide, oroitarriaren ondoan.

Pintura bota diote Lopez de Lacalleren omenezko monolitoari

Atzo goizaldean pintura gorria eta horia bota zioten Jose Luis Lopez de Lacalle kazetariaren omenezko monolitoari, Andoa- inen. PSE-EEK eta PPk eraso gaitzetsi zuten. Eguerdi partean, Andoaingo sozialistak oroitarria garbitzera joan ziren, eta loreak jarri zituzten. Lopez de la Calle *El Mundo* egunkariko zutabegilea ETAk hil zuen, 2000ko maiatzean.

Estanis Amutxastegi PSE-EEko Andoaingo idazkari nagusiaren hitzetan, «ekintza faxista» izan zen. Haren ustez, Juan Jose Ibarretxe EAEko lehendakaria «denbora galtzen ari da, errudunak aurkitu beharrean, independentziaz hitz egiten».

ATXILOKETA

Aitor Sarasola Lezoko alkatea eta beste hiru lagun atxilotu ditu Ertzaintzak Lezon

Erredakzioa | DONOSTIA

Aitor Sarasola Lezoko alkatea eta beste hiru lagun atxilotu zituen atzo Ertzaintzak Lezon, euskal errefuxiatuen aldeko ekitaldi batean. Lekuko batek EGUNKARIARI esandakoaren arabera, ertzainak «oso modu txarrean» hartu zituzten manifestariak eta elkarretaratzea moztu zuten.

Bestalde, euskal iheslarien kolektiboak Venezuelako sei errefuxiatuen egoera salatu zuen atzo, prentsa agiri batean. Espainiaren «presioak direla eta, estraditatuak izateko bilatzen» dituztela oroitarazi zuen. «Bittor Galarza Venezuelako le-gearen babesean zegoen euskal iheslari politikoa irregularki espainiaratu» zutela salatu zuen kolektiboak. Lezon moduan, elkarretaratzeak antolatu ziren atzo hainbat herritan: hala nola, Anoeta, Arrasate, Zornotza, Gasteiz, Deba, Eibar, Elgoibar, Markina, Ziburu eta Azkoitia. Quebec, Ingalaterra, Mexiko, Portugal eta Uruguai-ko errefuxiatuen egoera ere salatu zuten.

> INOIZ BAINO GEHIAGO
> > > > > INOIZ BAINO INDARTSUAGO
egin zaitez **batasunkide**

i informa zaitez zure herrian

- > Zu zeu ere beharrezkoa zarelako ezkertiar eta abertzale sentitzen garenon Batasunerako.
- > Zeure iritzia ere Batasunan erabakigarria izango delako.
- > Ilegalizatu eta desagertarazi nahi gaituzten honetan, zeure esku ere badagoelako erakunde hau indartzea eta bultzatzea.
- > Zure laguntza ekonomikoa ere beharrezkoa delako, egin zaitez kuotaemale.

MOZTU ETA HELBIDE HONETARA IGOR EZAZU

Batasuna, 17 karrika, Palais de Justice, 64120 DONAPALEU

IZENA	
ABIZENAK	
HELBIDEA	
HERRIA	
HERRIALDEA	

TELEFONOAK	
KUOTA:15euro	☐
BESTE KOPURUA	euro
BANKETXEA	
KONTU KORRENTEA (20 zenbakiak)	